



ज्वजलपा वाःपौ

JWOJALAPA WEEKLY

दैं न ल्या: १० (पूर्णडक १५७) ने. सं. ११३७ यंलागा द्वादश आइतवा: २०७४ असोज ०१ गते आइतवार (Sep- 17-, 2017)

मू न १- पृष्ठ न

नेवा: समुदायपाखें वाडमय शताब्दी पुरुष डा. सत्यमोहन जोशीयात तःजिक हन

ज्वजलपा वा:पौ

वाडमय शताब्दी पुरुष सत्यमोहन जोशी हनाया खसालय् शुक्रवा: तःजिक जनस्तरं हना ज्याभव: या:गु दु । राष्ट्रपति विद्यादेवी भण्डारीं हनापौ लःल्लानादीगु उगु ज्याभव: याये न्ह्यः संस्कृतिविद जोशीयात यर्लनिसें येंय तक कलाकारपिंपाखें मोटर साइकल याना जात्रा याना हःगु खःसा येंया बसन्तपुलिइ थ्यंका जनस्तरं छगू कथं सिन्दुर जात्रा याना हे चाःहिइकूगु खः । सिन्दुर जात्रा क्वचाये धुंका: र ष्ट्रिय सभागृहलय् तःजिक अथे सामारोह याना हनेज्या या:गु खः ।

वाडमय शताब्दी पुरुष सत्यमोहन जोशी हनाया खसालय्

जुगु उगु समारोहया नायः हना ज्याभव:या कजि लक्ष्मीदास मानन्धर जुयादीगु खः । ज्याभवलय् सकलसित लसकूसयासैं मानन्धरं वाडमय शताब्दी पुरुष सत्यमोहन जोशीया नामय् अक्षय कोषया घोषणा यानादीगु खः । उगु कोषया नितिं थीथी बैंकपाखें ध्यवा वःगु जानकारी नं वियादिल । ज्याभवलय् यें महानगरपालिकया मेयर विद्यासुन्दर शाक्यं नं अक्षयकोषण नितिं न्यागू लख तका दां महानगरपालिकां तयेगु घोषणा यानादीगु खः । ज्याभवलय् न्वंवासैं मूपाहां राष्ट्रपति विद्यादेवी भण्डारीं सत्यमोहन जोशी नेपाःया हे अमुल्य व मंका: निधी खः धयादिसैं वय्कःया अभिनन्दन



यायेखंगु धइगु राष्ट्रया हे गौरव खः धयादिल । वय्कलं सत्यमोहन जोशी धयाम्ह जीवत ज्ञानया कोष

खः धका: तकं धयादिल । यें महानगरपालिकया मेयर विद्या सुन्दर शाक्य, नेवा: न्ह्यलुवा:

मल्ल के सुन्दर, पत्रकार सुरेश किरण मानन्धर, निरञ्जनरत्न शाक्य लगायतपिन्सं न्वंवानदीगु

उगु ज्याभव: नेवा: जागरण मञ्चया नायः सुजिप वज्राचार्य न्याकादीगु खः । सुभाय् न्वचू विइगु भवलय् ग्वसा: खलःया दुजः नापं पुलांम्ह राज्यमन्त्री तिरथराम डंगोलं सत्यमोहन जोशी साहित्य खलय् ज्वःमदुगु योगदान यानादीगुलिं वय्कःयात नोबेल पुरस्कारया नितिं राष्ट्रपतिपाखें सर कारयात निर्देशन विइत माग यानादीगु खः ।


ज्याभवलय् रक्षामन्त्री भिमसेनदास प्रधान, जनकवि दुर्गादाल श्रेष्ठ, यें महानगरपालिकाया उप मेयर हरिप्रभा खड्गी, कृष्ण गोपाल श्रेष्ठपिं पाहां जुयादीगु खः । उगु समारोहलय् नेवा: ख्यःया थीथी व्यक्तित्वपिं सहभागी जुयादीगु खः ।

गंगलमय शुभकामना



2008
८ सम्म
Remix दूध
सुट १००% पौष्टिक
Official Band
THE ROYALS BAND

महोत्सवका आकर्षणहरु :
विविध सांस्कृतिक कार्यक्रमहरु
कीर्तिपुरका संस्कृति र परम्परागत प्रस्तुतिहरु
जेष्ठ नागरिक सम्मान कार्यक्रम
मनोरञ्जनात्मक खेलहरु
परम्परागत नेवारी खानाहरु
हास्य कलाकारहरुको प्रस्तुति
बाल मनोरञ्जनका सामग्रीहरु
राष्ट्रिय स्तरका कलाकारहरुको प्रस्तुति
राष्ट्रिय स्तरका गायकहरुको प्रस्तुति
खुल्ला नृत्य तथा गायन प्रतियोगिता
कपडा भाँडाकुँडा तथा हस्तकलाका सामग्रीहरु





ज्वजलपा वा:पौ

सल्लाहकार

श्रीकृष्ण महर्जन

प्रकाशक:

नजरराम महर्जन

सम्पादक

श्रीकृष्ण तण्डुकार

ले-आउट:

ज्वजलपा डेस्कटप

संवाददाता

रामभोला महर्जन, निरजमान सिंह

थाकू

प्रिन्ट स्काई, येँ

ज्याकू: निखासी त्वा: किपू नपा-३

फोन ल्या: ४३३३००७, ९८४९४०९०७७

ई-मेल : jwojalapaweekly@gmail.com

सम्पादकिय

नागरिक सरोकार केन्द्र किपूया अन्तरक्रिया

नागरिक सरोकार केन्द्र किपूली म्हागः शनिवाः किपूली २०७२ सालया भुखाचं पिडितपि मनुतसे फय्मालाचवंगु समस्या व राहतया बारे छगु अन्तरक्रिया ज्याभवः यात । उगु ज्याभवलय् राष्ट्रिय पुनरनिर्माण प्राधिकरण काठमाडौं जिल्ला समन्वय समितिया उपसचिव प्रेम प्रसाद धिमिरे, किपू नगरपालिका मेयर रमेश महर्जन, किपू नगरपालिका एकीकृत पुनरनिर्माण समितिया संयोजक गंगाराम महर्जनपिन्सं ब्वति कयादीगु खः । न्हापा वय्कःपिनिगु खँ न्यनेगु ज्या जुल । अनं लिपा ज्याभवलय् ब्वति कयादीपि भुखाचं पिडितपिन्सं थःगु न्हयसः भ्ँतय् च्वया बियादिल । अप्ठः न्हयसः प्राधिकरणया प्रेमप्रसाद धिमिरेयात तःगु खने दत । अनं लिपा मेयर रमेश महर्जन अले गंगाराम महर्जनयात न्हयसः तःगु खनेदु ।

छँ दने धकाः न्हापांगु किस्ताया धेवा हयाः छँ मदसे च्वनाच्वीपि मनुतयत् कारवाही जुइगु, अथेहे निखा छँ दयाः नं छखा जक छँ दु धकाः भंगः लानाः छँ दनेत ग्वाहालि काःपि मनुतयत् लिपा छानविन यानाः गलत ठहरय् जुलकि ठगी मुद्दा तयाः काःगु धेवा स्वया निदुगं लित काइगु खँ प्रेम प्रसाद धिमिरे कना दित । अथेहे ऐलानी जग्गाय् छँ दनाच्वनाच्वीपि मनुतसे लालपुर्जा काये फइमखु । लालपुर्जा म्दुपिन्त छुं नं ग्वाहालि दइमखु । गढ पःखा दुने छँ दना च्वनाच्वीपिनिगु हकय् सम्बन्धित वडाया सिफारिसय् राहत बिइगु व छँ दनेत सहूलियत बिइगु मेयर रमेश महर्जन कनादिल । भुखाचं पिडितपिनिगु छँ दनेत नक्सा पास शुल्कय् ८० प्रतिशत छ्यापं बिइगु नं यानादिल । छँ दना सम्पन्नया भ्ँ कायेधुनेव छँ थुवाःतसे पःखा दनेगु या तल्ला थपय् यायेगु यानाचवंगुया खँय् मेयर रमेश महर्जन अनुगमन लिपा गलत ठहरे जुल धाःसा अजःगु पःखा या तल्ला थुनेगु जुइ धयादिल ।

नागरिक सरोकार केन्द्र किपूया थ्व तसकं च्वछाय् बहःगु ज्या खः ।

गजल शौरभ शाक्यया

गजल-४६



वा जितः खयकेत सां छ, वा खयेका ह्ययेकेत सां छ, वा लुर्मकि सा छं यत्यःया व न्हि, चाः ख्यू न्हंका जःत्वयेकेत सां छ, वा नापं च्वं वा छं मयःसां छुं खँ म्दु छं जितः छक स्वयेकेत सां छ, वा सुइत जक कनेगु भी ताःपाःगु खँ नापं दु धकाः ब्ययेकेत सां छ, वा छ वसानिसँ स्वां म्दव क्यवय् क्यवय् स्वां नस्वायेकेत सां छ, वा

नेवाः व नेपालभाषाया भविष्य



नजरराम महर्जन

पंचायत व्यवस्थाया विरुद्ध आन्दोलन यानाच्वीपि प्रतिबन्धित राजनैतिक पार्टीतसें नेवाःतयगु मांभायप्रतिया मतिनायात छयलेगु याना हल । इमिसं प्रजातन्त्र बलकि भीगु भाषिक अधिकार दइ उकिं पंचायत व्यवस्था ब्यथले माल धकाः स्वनिगःया नेवाःतयत् थुइकेगु यात । नेवाःतसें खः धइथें अजःगु पार्टीयात दुनें दुनें ग्वाहालि यायेगु यात । पार्टीया नेतातयत् थःगु छँ बास बियाः सुचुकेगु व नकेगु त्वंकेगु तक याना तल । गुलि गुलिसँला म्प्यायमचानापं बिल ।

२०४६ सालया आन्दोलन जुल । स्वनिगःया नेवाःत सतकय् कुहांवया आन्दोलन सफल यात । देशय् बहुदलिय व्यवस्था बल । चुनाव जुल । नेवाःतसें चुनावय् ब्वतिकयाः म्हागः थःपिन्त ग्वाहालि यायेधाःपि नेतातयत् चुनावय् त्याका छुं बल । न्हूगु प्रजातान्त्रिक व्यवस्था धाःगु बल । तर नेवाःतयगु अवस्था हिला मवं । नेतात यक्व दयावल । स्वनिगलय् थःगु शक्ति प्रदर्शनया लागि गांगामं पहाड पहाड कार्यकर्तात स्वनिगलय् दत हल । उपिं मध्ये गुलिं गामय् लिहांवन । गुलिं स्वनिगलय् हे थात ।

पहाडं तराई नं यक्व मनुत दुहांवःबलय् इमित छँवाल विइदत । थःत गाछि कयाः अप्ठःगु कोथात बालं बिल । धेवा दुहांवल । छुं ज्या यायेम्वाःक धेवा दुहांवःबलय् इपिं लयत्ताल । पिनेवःपिं धेवा दुपिं मनुतसें स्वनिगःया जग्गा न्यायेगु यानाहल । बुँइ ज्यायाये मंमदुपिं मनुतसें जग्गा मिया छँ दनेगु यात ।

स्वनिगः दुहांवःपिं चाहे नेता जुइमा, चाहे कर्मचारी जुइमाः । उमिगु आज्जु छगु हे जक जुल । न्ह्याथे यानासां स्वनिगलय् च्वनेगु । छँ दनेगु । नेतातसें न्ह्यागु यानासां धेवा कमाय् याना छँय् दन । थौतकया दुने ततःधंगु पार्टीया पुलापिं नेता कार्यकर्तातय् काठमाडौंलय् छँय् म्दुपिं म्दय् धुंकेल । अथेहे कर्मचारीतसें नं घुस नयाः जुइमा, यगु याना जुइमाः येँ छँ दनेगु यात । छँ दनेमफुपिं कोथा बालं कयाः च्वन ।

न्हापां पिनेवःपिं मनुत म्हो जक दु । इमिनाप नेवाःभासं हे खँलाइगु । उकिं भीनाप संगत यायेत इमिसं भीगु भाय् सय्के माल । फलफूल म्यूवइपिं, तरकारी म्यूवइपिं साईकलवाला व्यापारीतसें बांलाक नेवाःभाय् ल्हायसः । लिपा छँ बालच्वंविपिं यक्व दत । थःगु छँ बालच्वनीपिं नाप सःसां मसःसां

खयभाय् ल्हायगु यानाहल । अले इमिसं नेवाःभाय् छाय् सय्केगु कुतः याइ ? भीसं खयभाय् ल्हायबलय् टोन मिलय् मजू धकाः इमिसं गिजय याई । जबकि भीगु खँवः इमिसं उच्चारण तक यायेमसः । इमिसं थःगु हे भासं उकिया नां तयावी । अले इमि नाप भीसं नं बहे धाय्गु याना हल । खयभाय् ल्हाय मसःम्ह मनु अयोग्यम्ह येँ जुल । अले नेवाःतसें नं सःसां मसःसां खयभाय् ल्हायेगु यानाहल । देशय् प्रजातन्त्रया नाप नाप शिक्षा नीति नं ह्यूपाः बल । शिक्षा म्दय्क मगाः धइगु मनुतसें थुइकाः हल । आखः मसःम्ह समाजया ध्वां जुइगु जुल ।

नीजिस्तरया स्कूल चाय्केगु चलन बल । सरकारी स्कूल स्वयाः भिदुगं नीदुगं थिकय्क फिस पुलेमाःसां मनुतसें थः मस्तयत् नीजि स्कूलय् हे आखः ब्वंकेगु यात । नीजि स्कूलय् थः मस्तयत् आखः ब्वंकेपुपिं तःधापिं भाःपिइगु । थुजःगु धारणां सरकारी स्कूलय् विद्यार्थी म्हो जुजुं वन । नीजि स्कूलय् नं गन फिस अप्ठः काइ अन हे बांलाक आखः ब्वंकी धइगु धारणां यक्व विद्यार्थीत भर्ना जुल ।

नीजि स्कूलय् नेवाःभाय् ला छु खयभाय् तक हे बांलाक ल्हायम्वाःल । अले खयभाय् ल्हाइगु थासय् नेवाःतय् मस्तसें बांलाक खयभाय् ल्हायेमसः । शिक्षक शिक्षकापिन्सं अभिभावकपिन्त मस्तयत् बांलाक खयभासं खँलाकेत व च्वयसयकेत छँ नं खयभाय् स्यनेमाल धया हइगु । मस्तय् मांभौपिनि नं नेवाःभाय् ल्हातकि खयभाय् ल्हाय् मसइ धकाः मस्तयत् नेवाः भाय् हे मल्हाकल । छँ, स्कूल न्ह्याथाय् नं खयभाय् हे ल्हाइगु जुल । थुगु कथं भीगु मांभाय् ल्हाइपिं तनां वनाच्वंगु भीसं वाःमचा ।

अथेहे भी नेवाःतयसं अन्तरजातीय इहिपायात याउंके मान्यता बिउ । पिने वयाः भीथाय् कोथा बालंकयाः आखः ब्वंइपिं विद्यार्थीतसें मिसापिं जूसा भी काय्मचात स्वइगु, मिजपिं जूसा भी म्प्यायमस्त स्वइगु । इमि यःत्यः जुया इहिपा नं जू । भी म्प्याय्मचा इमिके वंसां, इपिं मिसा भी भौजूवःसां भीगु भाय् मन्त ।

भीपिं शासन प्रशासनय् म्दु । भीसं न्ह्यागु ज्याभवःयासां मूपाहाँ ला अप्ठः यानां नेवाःमखुपिं हे जुइगु, मूपाहाँ मजूसं विशेष पाहाँ जुइपिं नं दइगु । नेवाःतयगु ज्याभवः जूसां इमिसं भीगु भाय् थुइमखु धकाः इमिगु भासं (खयभासं) हे ज्याभवः न्ह्याइ । नेवाःतसें नं सःसां मसःसां खयभासं हे न्वंवाई । अन खँ न्यनाच्वीपिन्सं थुइमा या मथुइमा सुयातं मतलब दइमखु, पाहाँजूवःम्हं मथुइ धकाः जक वयागु भासं न्वंवाईगु चलन जुल ।

भी मस्तयगु कयतापुजा जुइमा, इहिपाया भ्वय् जुइमा या छुं लसता भ्वय् जुइमाः । ब्वना पौ छापय् यायेवलय् नेवाःभासं छापय् यायेगु चलन म्हो जुजुं

वनाच्वंगु दु । पाहाँ नेवाःत जक मखु नेवाःभाय् मसःपिं नं दु धकाः ब्वनापौ खयभासं छापय् यायेगु जुया वयाच्वंगु दु । थौकन्हय् भ्वय् न्याकेत थाय्वाय् म्हो जुया वनाच्वंगु दु । भीगु सामाजिक परिवेश हे पानां वनाच्वंगु दु । भ्वजय् ग्वाहालि याइपिं मनुत म्हो जुया वनाच्वंगु हुनिं अप्ठः याना भ्वय् पार्टी प्यालेसय् जुइगु जुइधुंकेल । पार्टी प्यालेसय् भ्वय् जुइवलय् भीगु लप्टी भ्वय् अर्थात भवःभ्वय् जुइमखु । बफे पार्टी जुइ । क्याटरिंग यात जिम्मा बिइ । भ्वय् न्याकूपिनि नं ज्या यायेम्वाःला आनन्द तायकीगु । अले नइपिनि नं थःत यःयःगु ल्ययाः नयेदु । इपिं नं लय्ताः । न्ह्याइपु भ्वय्लय् स्पीकर तया म्ये हाय्काःतइ । व म्येने नेवाः म्ये मखुसे खयभाय्, हिन्दी या अंग्रेजी म्ये हाय्कीगु जुइधुंकेल । अले बहे म्येया ल्यू ल्यू गःगः प्याखँ ल्हइपिं नं दु । थुजःगु कथं भीगु भाय् जक मखु, भीगु तजिलजि नापं न्हानां वनीगु अवस्था वये धुंकेल ।

भी नेवाःतयगु जनसंख्या नं म्हो जुजुं वनाच्वंगु दु । भी मस्त यक्व आखः सय्कि, थःगु योग्यता अनुसार गनं ज्या दइमखु । अले इपिं विदेश वनेगु चलन अप्ठः जुयाः वयाच्वंगु दु । नगद धेवा म्दुसा वुं मियाः जिलला, छँ बह्रतयाः जिलला न्ह्याथे यानासां धेवा खाकाः विदेशय् आखः ब्वंवेनेगु त्वहः तयाः वनी । विदेश वने धुनकि इपिं अप्ठः यानां लिहां हे वइमखुगु जुइधुंकेल । थौ शहरी क्षेत्रय् भिखा छँ, छखा छँया मस्त विदेश वनेधुंकेल । आःला न्ह्याम्हेसें छिम्ह काय गन ? छिम्ह म्प्याय् गनं धकाः न्यनीगु जुइधुंकेल । मस्त विदेशय् छुवयेमफुम्ह मनुया इज्जत हे म्दुगु थे जुइधुंकेल । थुकिया लिच्वः छु जुइ धइगु बिचाः याःगु हे मखु ।

थौकन्हय् वेसाभाः थिकय् जुल । मनुतयगु जीवनस्तर थहांवने धुंकेल । मचाखाचा ब्वलंकेत हे थाकुइ धुंकेल । उकिं अप्ठःसिनं मस्त म्हो जक हे दय्केगु याना हय्धुंकेल । न्हापांम्ह मचा काय् जूसा छम्हे निम्ह म्दय्के धुंकेल । न्हापांम्ह म्प्याय् मचा जूसा काय्मचाया आसां मेम्ह छम्ह मचा दय्की । थथे निम्हातपुसिया छम्ह मचा जुलकिला छम्ह जनसंख्या म्हो जुल । निम्ह जूतलय् बराबर जक जुल । थुजःगु कथं भीगु जनसंख्या म्हो जुइगु बाहेकं अप्ठः म्दइगु अवस्था वयेधुंकेल । थथे जूगुया छगु हुनिं थौकन्हय् मचा बुइकीबलय् अस्पतालय् यकाः मचाबुइकी । मचा बुइबलय् मिसातयत् तसकं कस्तया अनुभव जुइगु । अले याकनं मचा बुइके दुसा ज्यू धइथें जुइगु । अस्पतालया डाक्टरतसें अपरेशन यायेगु सल्लाह वी । अपरेशन यायेवलय् इमित नं फाइदा दइगु । धेवा कमाय् यायेगु लोभं डाक्टर तसें माःसां म्वाःसां अपरेशन याना मचा लिकाई । अपरेशन यानां मचा बुइकेल कि निम्हे स्वम्ह मचा बुइके मज्यू धकाः डाक्टरतसें धाइगु अले स्वम्हम्ह मचा ययाः नं दय्के फइमखु । कथं

ट्रीमिडियाया रिपोर्टर्स क्लबया उलेज्या



ज्वलपा वा:पौ

किपूया रिंगरोड ट्यांग्ला वनेगु लैय् चाय्कातःगु ट्रीमिडिया प्रा.लिं अत्याधुनिक प्रविधि दुगु ट्रीमिडिया रिपोर्टर्स क्लबया छगू ज्याभवःयासें उलेज्या याःगु दु ।

रिपोर्टर्स क्लबया प्रधान सम्पादक मनोज सारथी न्ह्याकादीगु उगु उलेज्या ज्याभवलय् सभानायो क्लबया कार्यकारी निर्देशक अनिश नापितया सभानायोसुइ जूगु खः । कीर्तिपुर नगरपालिकाया नगर प्रमुख रमेश महर्जनजु मूपाहाँकथं भायादीगु उगु ज्याभवलय् मेपिं पाहाँपिं मोविल्याण्ड ग्रुपया अध्यक्ष दिनेश दर्शनधारी, की.न.पा. वडा नं. १० या वडाध्यक्ष अमन महर्जन, वरिष्ठ पत्रकार एवं क्लबया सल्लाहकार नजरराम महर्जन, ने.का.कीर्तिपुर नगरसमितिया दांभरिं राजिता महर्जन व ब्युटिथियन मिरा बस्नेतपिं भायादीगु खः ।

क्लबया उलेज्या यायेगु भवलय् मेयर रमेश महर्जनं किपुली पत्रकार सम्मेलन यायेमाःसा पाय्छिगु थाय् मदयाच्वंगु थौं त्रिमिडियाया थ्व हलं पत्रकार सम्मेलन यायेत अःपुइका विउगु दु धयादिल । संचार माध्यम राज्यया चौथो अंग खः । थौकन्ह्य् संचार माध्यम प्रचार प्रसार यायेगु छगू सशक्त माध्यम खः । ट्रीमिडिया प्रा.लिं किपूया हरेक खँयात विश्वन्यंक थ्येकाःवीगु आशा दु । किपू नगर पालिकाया प्रेश कन्फरेन्स यायेमाःसा थ्व थाय् ल्येगु जुइ धयादिल ।

किपुली नं चिया खेती शुरु जुल

ज्वलपा वा:पौ /

किपुली नं चिया खेती शुरु जूगु दु । कीर्तिपुर नगरपालिका दीखुया च्वय् च्वंगु की.न.पा. वडा नं. लय लाःगु डाँडाय् मिहगः शनिवार चियाया विरुवा पीगु शुरु याःगु दु ।

चिया तथा कफि बोर्ड निर्देशक शेषकान्त गौतम व किपूया मेयर रमेश महर्जनं नापं विरुवा पिनां सुरु यानादीगु खः । की.न.पा. वडा नं. २ या वडाध्यक्ष रमेश मान डंगोल, वडा नं. ९या अध्यक्ष गंगाराम महर्जन व पुलांम्ह मेयर हिराकाजी महर्जननं उगु ज्याभवलय् भायाःचिया मां पिनादीगु दु । वडा नं. ३या वडाध्यक्ष राजेन्द्र महर्जनया संयोजक्य् अन न्यासः विरुवा पीगु याःगु दु । चियाया विरुवा इलामनिसें हःगु व चिया पिइपिं मनुत नं इलामनिसें हयाः चिया पिइगु याःगु खः । चिया तथा कफि बोर्डया निर्देशक शेषकान्त गौतमया धापुकथं चिया पत्ति तयार जुइत भिला ति माः । भिला लिपा चिया पत्ति त्वाःल्लाय्जी । थ्व चिया खेती याना किपूयात पर्यटकीय नगरया रूप्य विकास यायेफइगु व सितिं वनाच्वंगु डाँडाय् सदुपयोग जूगु खँ मेयर रमेश महर्जनं कनादिल ।



सूचना

सातौं वार्षिक साधारणसभामा उपस्थितिका लागि

यस संस्थाको २०७४/०५/११ गते आइतवार बसेको संयुक्त संचालक समितिको बैठकको निर्णय अनुसार संस्थाको सातौं वार्षिक साधारणसभा तपसिल वमोजिम हुने भएको हुँदा पत्र सम्बन्धित ठेगानामा पठाईसकिएको छ । यदि पत्र प्राप्त नभए यसैलाई सूचना मानी अनिवार्य उपस्थितिका लागि हार्दिक अनुरोध गरिन्छ ।

कार्यक्रम :

मिति : २०७४/०६/०७ गते शनिवार

स्थान : कृष्ण क्याटरिङ्ग, पाँगा दोबाटो, कीर्तिपुर

समय : बेलुकी ठिक ५ बजे

सभामा छलफल हुने विषयहरू

१. संचालक समितिको तर्फबाट अध्यक्षबाट आ.व.२०७३/०७४ को वार्षिक प्रतिवेदन पेश गर्ने र सो ऊपर छलफल गरी पारित गर्ने ।
 २. लेखा परिक्षणको प्रतिवेदन सहित आ.व.२०७३/०७४को नाफा नोक्सान हिसाब र वासलात अनुमोदनको लागि पेश गर्ने ।
 ३. संस्थाको नियमित कारोबार संचालन गर्ने संचालक समितिले आ.व.२०७३/०७४मा गरेको सम्पूर्ण निर्णयहरूको समर्थन गर्ने ।
 ४. आ.व.२०७४/०७५ को नीति, कार्यक्रम र बजेटमाथि छलफल गरी पारित गर्ने ।
 ५. कोषाध्यक्षबाट आयव्ययको प्रतिवेदन पेश गर्ने ।
 ६. विनियम संशोधन गर्ने ।
 ७. आ.व.२०७४/०७५ का लागि लेखा परीक्षकको नियुक्ति र पारिश्रमिक तय गर्ने ।
 ८. साधारणसभाको निर्णय पुस्तिकामा हस्ताक्षर गर्ने शेयरधनी, सदस्य महानुभावहरू र संचालक समितिको तर्फबाट १/१ जना प्रतिनिधि नियुक्त गर्ने ।
- विविध :

संचालक समितिको आज्ञाले,

सचिव

दर्शन बचत तथा ऋण सहकारी संस्था लि.

कीर्तिपुर-९, फोन नं. ४३३२०५७



नेपालभासा प्राचिन काव्यय् दकले न्हापां थिमि देय्या पुलांगु म्ये'



- पूर्ण ताम्राकार -

भीगी पुलांगु म्येय् दुने नेवा: जातिया संस्कृति, रहन सहनया नापं नेपा:या धार्मिक, सांस्कृतिक, राजनैतिक यथार्थ वस्तुस्थिति सुलाचंगु दु । नेवा: जाति, नेपालभाषा साहित्य व नेपा:या हे इतिहास पूर्वक अध्ययन यायेगु ज्वलं मध्यय् छगू नेवा: भासं चिनात:गु म्ये जुयाचंगु दु । पुलांगु म्ये मातुमाला मुनेगु सम्पादन याना पिथनेगु ज्यां नेपालभाषा साहित्यया लाग्ना जक तब्ब्या: व त:हाक याना बीगु मखुसे नेवा: जातिया ख्या: नं यच्चुक क्रिया बी, नेपा:या इतिहासय् थाय् कयाचंगु अस्पष्टतायात अफ्क निश्चितता व स्पष्टताया ध्व: क्रिया बी । उकिं नेवा:भासं चिनात:गु भीगी पुलांगु म्ये नेपा:या नितिं हे छगू अमूल्य निधि ख:, सम्पादक ख: । थये अतिकं अमूल्यगु नेवा:म्ये संभवत दकले न्हापां इ.सं.१८७७ सं डानियल राइट् न्यापु म्ये मुना 'हिस्टोरी अफ नेपाल' नाया वयक:या सफुतिइ थासा आखलं पिथन । नेपालय् धा:सा राणा शासन क्वदले धुंकातिनि नेवा:म्ये मुनेगु, सम्पादन व प्रकाशन यायेगु प्रारम्भ जुल । थ्व क्षेत्रय् ३० दं न्हयवनिसें हिच:ति हायेका जीवन फुका च्वंम्ह अन्वेषक व्यक्तित्वया नां हे छत्रवहादुर कायस्थ ख: । पुलांगु नेवा: म्ये मुनेगु, सम्पादन व प्रकाशन यायेगु क्रमय् भाजु छत्रवहादुर कायस्थजुं दकले न्हापां जुजु 'सिद्धिनरसिंह मल्लया म्ये पुच:' (१०८९)सम्पादन याना पिथने धुंका छसिकथं 'नेपालभाषाया प्राचीन काव्य व काव्यकार (१०९७), बुङ्गम लोकेश्वरया म्ये मुना (११०२), श्री ५ रणवहादुर शाहया म्ये मुना' (न्हापां ११०५, निक्व: १११४), 'जय नमो श्री बुद्ध भगवान' (११०७), 'कवि विजयानन्दया म्ये मुना' (११०८), भक्तकवि हर्षनरसिंह शाक्यया भजन म्ये' (११०८), पं.अमृतानन्द शाक्यया म्ये मुना' (१११२), मानलाल भजनामृत' (११०८), पं.अमृतानन्द शाक्यया म्ये मुना' (१११२), मानलाल भजनामृत' (१११६)पिदने धुंकागु दु । थ्व हे भवलय् अन्वेषक भाजु

छत्रवहादुर कायस्थजुं मुना(सम्पादन याना दीगु 'थिमि देय्या पुलांगु म्ये' (१११९) या छुं खं न्हयव्वया च्वना ।

थ्व म्ये सफु 'नेपाल भ्रमण वर्ष १९९८' हनेगु भवलय् वि.सं.२०५५ साल पुष ३ गतेनिसं ५ गते तक जूगु 'मध्यपुर महोत्सव'या लसताय् 'मध्यपुर क्षेत्र विकास मञ्च थिमि' पिदनेगु ख: । थ्व सफुया संकलक व सम्पादक छत्रवहादुर कायस्थजुया 'नेपाल भाषाया पुलांगु म्ये मालेगु भवलय् नेपाल सम्बत १०९७ निसं थिमि देसय् नं पुलांगु म्ये मालेगु ज्या न्ह्याकागु ख:' धयागु धापुतिं वयकलं थ्व म्ये सफु पिथनेत २२ दं पाये धुंकागु खने दु । थौतक करिव १५०० पु मयाकं नेपालभाषा पुलांगुम्ये पिदने धुंकासां छगू नेवा: वस्तिया प्रतिनिधित्व कथं नेवा: म्ये संकलन जुया दकले न्हापां पिदनेगु 'थिमि देय्या पुलांगु म्ये' ख: । थ्वकिइ थिमि देशय् सिर्जना जूगु सिर्जनात्मक म्ये जक दुथ्याना चंगु दु । सम्पादक थ्व संकलनय् मल्लाकालीन, शाहकालीन व परिशिष्ट कथं स्वब्व: थला त:गु दु । थ्वकिइ ४९ पु नेवा: म्येय् मल्लकालिन २२ पु व शाहकालीन २७ पु दु ।

थ्व संग्रहसं दुथ्यागु दकले न्हापांगु 'श्री बलंगत सिमा' म्येया दकले लिपाया निभवल्य् 'श्री प्रान मोल राजा' उल्लेख जूगु लिधंसाय् सम्पादक छत्रवहादुर कायस्थजुं 'थ्व म्ये खप देया जुजु प्राण मल्ल (ने.सं.६४३(६७०) या राज्यकालय् रचित' धयादीगु दु । उकथं थ्व म्येया रचनाकाल कथं नेपालभाषाया प्राचीन काव्यया दकले न्हापांगु लिपिवद्ध प्रामाणिक दसि हे थ्व म्ये जुल । तर म्ये पिदने न्हयो तक ने.सं.६९१(६९४ स यलय् संयुक्त शासन न्ह्याकूपिं थकू जुजुपिं नर सिंह देव, पुरन्दर सिंह देव, उद्धव सिंह देवया शासन कालय् रचित स्वपु म्येयात नेपालभाषाया प्राचीन काव्यया दकले न्हापांगु दसिकथं नालाचंगु दु । उकथं 'श्री बलंगत सिमा'या रचनाकाल नेपालभाषा साहित्यया इतिहास अफ्क नं करिव ५० दं मयाक त:हाक:गु प्रमाणित याना विल । थ्वकिं भीगी भाषाया प्राचीन काव्यया ब्या: व हाक: त:हाक: याना विल । वास्तवय् थ्व म्येया भूमिकाय् सम्पादक छत्रवहादुर कायस्थजुं 'थ्व म्ये नेपालभाषा चिनात:गु आ:तक लुयाव:गु पुलांगु म्येत मध्यय् दकले पुलांगु ख: । उके थ्व म्ये नेपालभाषा

साहित्यया लागि जक मखु नेपा:या धार्मिक,सांस्कृति व सामाजिक इतिहासया लागी नं तस्सकं महत्वपूर्ण लोक म्ये ख: । धया दीगु नं उकिं हे ख: । थ्व म्ये थौतक संरक्षण याना पिदने फुगु हे नेवा: जातिया निति गौरवमय खं ख: । नेपा: देया अमूल्य सम्पदा व निधिं जुयाचंगु थ्व म्ये थिमि दुने संरक्षण जुया च्वनिगु व प्रकाशन जुइगु थिमि देय्या गौरव ख: । म्येया नां 'बलंगत सिमा' तयात:सां थ्वकिं वंगल सिमाया महिमाया वर्णन मदु, वरु युवा(युवतीया दथुइ नं पुलांगु म्ये मालेगु ज्या न्ह्याकागु ख:' धयागु धापुतिं वयकलं थ्व म्ये सफु पिथनेत २२ दं पाये धुंकागु खने दु । थौतक करिव १५०० पु मयाकं नेपालभाषा पुलांगुम्ये पिदने धुंकासां छगू नेवा: वस्तिया प्रतिनिधित्व कथं नेवा: म्ये संकलन जुया दकले न्हापां पिदनेगु 'थिमि देय्या पुलांगु म्ये' ख: । थ्वकिइ थिमि देशय् सिर्जना जूगु सिर्जनात्मक म्ये जक दुथ्याना चंगु दु । सम्पादक थ्व संकलनय् मल्लाकालीन, शाहकालीन व परिशिष्ट कथं स्वब्व: थला त:गु दु । थ्वकिइ ४९ पु नेवा: म्येय् मल्लकालिन २२ पु व शाहकालीन २७ पु दु ।

'थिमि देय्या पुलांगु म्ये' सफुतिइ सम्पादक छत्रवहादुर कायस्थजुं प्रत्येक म्येया रचनाकाल व शासक, रचनाकार या नां, परिचय, म्येया राग, ताल व विषयवस्तुया नापं उकिया तस्सकं चिहाकलं भूमिका न्हयथना दीगु दु । थ्व कथं म्येया रचनाकाल प्राण मल्ल धुंका जगत प्रकाश मल्ल (ने.सं.७६३(७९३), भूपतीन्द्र मल्ल (ने.सं.८१६(८४२), विष्णु मल्ल (ने.सं.८४९(८६५), रणजित मल्ल (ने.सं.८४२(८९०) व शाहकालय् श्री ५ पृथ्वीनारायण, श्री ५ रणवहादुर, श्री ५ गीर्वाण युद्ध, श्री ५ राजेन्द्र, श्री ५ सुरेन्द्र शाहया शासनकालय् रचना जूगु म्ये थ्व संकलनसं दुथ्याना चंगु दु । थ्वकिइ सम्पादकजुं ४९ पु म्ये मध्यय् २७ पु म्येया स्रष्टा आपा याना लायकू खल: व लायकूलिइ दुथ्या:पिं उच्च पदस्थ व्यक्तितयगु बाहुल्यता हे प्राचीन काव्यया विशेषता थें जुयाचंगु दु । थ्व विशेषता थ्व संग्रहसं दुथ्यागु म्येया रचनाकारय् जुजुपिं जगत प्रकाश मल्ल, पृथ्वीनारायण शाह, रणवहादुर शाह, लानिपिं विष्णुमति मल्ल, बुद्धिलक्ष्मी मल्ल, प्राइमिनिष्टर भिमसेन थापाया किजा अभयानन्द व जुजु रणजित मल्लया लायकूलिइ दुथ्या:पिं द्विज काशीनाथ, गोकुलनाथ, द्विज अनन्तदासपिन्सं रचित म्ये पुलां नेवा: म्येया स्रष्टाकारत लायकू खल: व अन दुथ्यापिनिगु बाहुल्यता दु धयागु प्रष्ट या: । थ्वकिं रचनाकारय् नेपालभाषाया मल्लकालीन कवयित्रीपिं मध्यय विष्णुमति मल्ल व दिवालक्ष्मी न्हू नां ख:सा बुद्धिलक्ष्मीया नां पुलांगु हे ख: । छयाधा:सा थ्व 'कलिसं जन्म दयिवन विल छय्' म्ये रचना या:गु दु । मल्लकाल लिपा कवयित्रीया भव्य जयति हेमागिरी न्हू नां ख: । थये हे

मल्लकालय्, दुर्गानन्द दास, दुर्गानन्दसिंह व शाह जुजु श्री ५ गिर्वाणयुद्ध विक्रम शाहदेवया राज्यकालयाम्ह निरञ्जन नाथ, जुजु श्री ५ राजेन्द्र र राज्यकालयाम्ह लक्ष्मीनारां थें या:पिं सर्वसाधारण नं नेवा: भासं म्ये सिर्जना या:गु खं नं थ्वकिं उला ब्यू ।

म्येया भावाभिव्यक्ति कथं स्तुतिभक्ति, श्रृङ्गार, आत्मपीडा, विरह, नैतिक शिक्षा, ऐतिहासिक घटना, थाय् व छोया वर्णनात्मक म्ये थुकिइ दुथ्या: । थिमि देय्या प्राचीन नां, कूल देवता, इष्टदेवता, सिलु म्ये, पुवादे म्येया नापं थिमिया धार्मिक, सांस्कृतिक व मनुतयगु सामाजिक जीवन शैली दु गथे धयागु सीकेत थ्वकिं यक्व: तिव: विइ । न्हापा उबले थिमियात 'मध्यपुर', नकदेयात 'नर देश' ('नग देश'), बोदेयात 'बोर दे'('भागुलर') ('धरमपुर' धायेगु या:गु खं थ्वकिं उला ब्यू । थये हे 'ई देशया सर स्वतीया म्ये य् 'ई देसस' खंगव: उल्लेख दु । छुं छगू क्षेत्रयात 'ई देस' धायेगु या:गु खं थ्वकिं भीत कनि । तर ई देसया वास्तविक व सहि अर्थ छु धयागु खं अध्ययनया विषय जुयाच्वन तिनि । अथे हे गोकुलनाथ र चित 'जय मध्यपुर देश' राजनीति घटनाय् व रानी वृद्धिलक्ष्मी मल्ल रचित 'भैरव तलेजु विहने वरदान' रानी थ: कायमचा व थंगु प्राणया सुर क्षा याये मा:बलेया अभिव्यक्तिइ आधारित म्ये जुयानं थ्व ऐतिहासिक रूप अतिकं महत्वपूर्ण जू । छयाकि 'जय मध्यपुर देश' म्ये विदेशी

आक्रमण जुयाचंगु व उकियात पराजित यायेत जुजुया इनाप कथं जनतां जुजुयात ग्वहालि ब्यूगु घटनां उबले जुजु व जनताया दथुइ गुलि क्वातूगु आत्मीय सम्बन्ध दु, थुपिं गुलि या:पिं सर्वसाधारण नं नेवा: भासं म्ये सिर्जना या:गु खं नं थ्वकिं उला ब्यू ।

थ्वकिइ दुथ्यागु छपु म्ये 'राजा भिमसेन' ख: । थ्व जुजु रणजित मल्लया पालय् छम्ह अज्ञात कविं चिनात:गु म्ये ख: । थ्वकिइ छुं त्व:ता समुद्रपारी थ्यंक वने मा:बले छुं च्वंम्ह कला: खयेका व:गुया वर्णन दु । थ्व म्येया भूमिकाय् सम्पादकजुं 'न्हापा थिमि देय्या मनुतय लजगा: (पेशा) व्यापार ख: । व्यापारया लागी थिमि देय्या मनुत समुद्र पारिइ थ्यंक थ्यंगु खं, न्हयथनां दीगु दु । उकथं स्वयेबले उबलेया मनुतयगु जीवन यापन व संस्कारा प्रतिविम्बित छपु म्ये थ्व ख: । थये हे मल्ल कालया 'राग पुवादे म्ये' व 'स्वपु ख्यालि म्ये' उगु ईया समाजया चित्रण यायेया नापं सामाजिक जीवन शैली व मानव आचरणयात नं उला ब्यू । अथे हे 'निपालसं मदु जात्रा' म्यय् यल देशय् जुइगु जनवहा: छाया रथ जात्राया निपु

म्ये'य् ये देशय् जुइगु जनवहा: छोया रथजात्राया बांलाक वर्णन दु । थ्व नं नेवा: संस्कृतिया ब्व: ख: । थुकथं थुपिं म्ये सांस्कृतिक रूपं तस्सकं महत्वपूर्ण धायेमा: । थ्व संग्रहसं सन्त कवि ज्योति गिरी रचित न्यापु म्येनं दु । थ्वकिइ नैतिक शिक्षां जा:गु आदर्शमय भावाभिव्यक्ति जा: । थ्वकिं भौतिक सुखय् जक दुनाचंगु थौंया समाजयात आदर्शमय लंपु क्यनेत यक्व तिव: विइ । थये थौथी कथं महत्व दुगु म्ये थ्व संग्रहसं दुथ्यागुलिं थ्वकिया ऐतिहासिक महत्व म्हो मजू । थुकथं नेपा:या धार्मिक सामाजिक, राजनैतिक व नेवा: सांस्कृतिकया विषयय् अन्वेषण याइपिनि निति अनुसन्धानया ज्वलं मध्यय् छगू 'थिमि देय्या पुलांगु म्ये' जुइगु खंय् शंका मदु । 'थिमि देय्या पुलांगु म्ये'या प्रकाशनं नेपालभाषा प्राचीन काव्यया धुकू जक जायेका ब्यूगु मखुसे प्राचीन साहित्यय् दकले न्हापांगु ध्व:नं क्रिया विल । थ्वकथं थ्व सफुया प्रकाशनं नेपालभाषा साहित्य रुपि छग: रत्न लूगु थें जूगु दु । थ्वकिया निति संकलक व सम्पादक छत्रवहादुर कायस्थजु व प्रकाशक 'मध्यपुर क्षेत्र विकास मञ्च, थिमि' या कुत: यक्व प्रशंसनीय जू च्छायेवह जू थ्वयक: पिनिगु कुत: थौं जक मखु कन्हे नं मदिकक न्ह्यायेमा, गुकिं याना भीगी अमूल्य निधि व सांस्कृतिक धरोहरया सम्पदाथें जुयाचंगु फुक्क पुलांगु नेवा: म्ये पिथने फयेमा । भी पूर्वजपिन्सं हि च:ति हायेका चिना थकूगु दक्व फुक्कं नेवा: म्ये भीसं न्हयचाये खनेमा, ब्वने दयेमा, म्ये हाला विश्वन्यंक न्यंक दयेमा । थ्वयक:पिनि पाखें थ्व हे भीसं आशा याये ।

नेवा: स: नेवा: एफ. एम. १०६.६

नेपालभाषा एकेडेमिया नितिं

अनक मिडिया प्रालिया न्हयव्वया

न्हिच्छिचच्छि, (२४सै घण्टा) न्यनादिसं/न्यंकादिसं

नेवा: जुयागुया गौरव यानादिसं

नेवा: एफ. एम. १०६.६

न्यामासिमा, च:ध्वाखा, किपू-२

फोन ४३३४२२२



ईमेल: ankmedia.newafm@gmail.com

साहित्य उपन्यास जन्ति न्यात

चमि- मदन गोपाल प्रधान “क्वा:घासा”

कथहं ...

सिइ धुंकुम्ह म्प्याय लुमंका: मनमाया नुग: मछिका: च्वंगु खना: मनं मनं छक: पिज: न्हिल । जुइमा:गु खतं हे जुल धयाथें मतिथ तल । म्प्यायम्ह म्वाना: च्वंगु जूसा मनमायायात जक दु:ख जुइगु मखु वरु म्प्यायम्हेसित नं दु:ख जुइगु जुइ धयाथें पिज:नं मनय् तुन । पिज:या थ: मां वौ थें मनमाया नं म्प्याययात पयनं बिया: छवयेत इत:मित:कने मालिगु जुइ । अले आ: वया: वया मां वौ पस्ताय चाया: च्वं थें मनमाया नं च्वने मालिगु खइ । थौं मनमायाया म्प्याय म्वाना: च्वंगु जूसा थ: थें म्वायेनं मफु सिइ नं मफयेका: च्वने मालिगु जुइ । अयजूगुलिं मचा बलय हे सीम्ह मनमायाया म्प्याय थ:सिवें भाग्यमानि धयाथें पिज: नं तायेकल । व नं मनमायाया म्प्याय थें मचा बलय हे सीगु जूसा थौं थ्व म्वानासू मदुगु जीवननाप मयेक मयेक त्वाय चिना च्वने मालिगु मखु धका: मनं मनं खँ ल्हाका: पिज: त्वलय जुया च्वन ।

कर्कित: त्वलय जुया च्वन धका: धा:म्ह पिज: थ: हे त्वलय जुया च्वंगु खना: मनमायां धाल, “छ छाय त्वलय जुया च्वनागु, पिज: ?” “काकिया नं म्प्याय म्वाना च्वंगु जूसा थौं ल्यासे हे जुल जुइ ।” व्विसं त्व:तुम्ह थें ताहाकयक भसुका: तया: पिज:नं धाल ।

पिज: नं नवागु अले त्वलय जुया च्वंगु पह:, वया ख्वालय खने दुगु वया दुनुग:या भावना फुकं तुंक्क स्वया च्वंम्ह मनमायां पिज:या मर्म थुइका काल । थ:नं भा:त मदयेका च्वंम्ह जूगुलिं भा:त मदुपिं मेपिं मिसातयगु विबस्ता मनमायां बांलाक हे स्यू । थ: भा:त मदयेका च्वने मा:सां मचा छम्हेसियागु ख्वा: स्वया: न्हि वंगु मचायेका: च्वंम्ह मनमायां विहा: याना ला बला हे मदुवं नचाबलय हे भा:त मदयेका च्वने मा:म्ह पिज:या नुग: ख:गु मचा:गु मखु ।

मनमायाया ला काय्या ख्वा: स्वया:सां मन तये थाय् दु । तर पिज: सुयागु ख्वा: स्वया: मन तया च्वनि ? थ्व छगू गबलें हे नं मलाइगु पिज:या खने मदुगु ल्वय् ख:, क्यान्सर सिवे नं ग्यानापुगु । “थौं जित: याकनं हे नये पित्यात । च्या छक: दयेके ला, पिज: ?” पिज:या मन मेखेर फ्वाये भनं मनमायां धाल ।

“काकियात धका: मां नं फलफुल भतिचा बिया ह:गु ।” छुं ल्व:मं पहलं बाय्ग चायेका: पिज:नं सुन्तला व अंगूर लिक्का: मनमायायात बिल ।

“थुलिमछि जिं जक नयाँ फुके फौ ला ?” छुं नं न । च्या दयेके म्वा:नि का । सुन्तलासि छग: छग: नि नयेका, मज्यूला ?”

“हस् ।” धया: सुन्तलासि छग: प्वला: मनमायायात बिल । “छुं नं न ।” पिज:नं प्वला: ब्यूगु सुन्तलासि का कां मनमायां धाल ।

“काकिया भपिया दिसँ । जि नये का ।” थुलि धया: पिज: नं सुन्तला छग: कया: प्वला । सुन्तला प्वला: च्वंम्ह पिज:या ख्वा: स्व स्वं मनमायां सुन्तला भि छभि छभि यायां म्हुतुइ तया च्वन । पिज: नं नया च्वन ।

सुन्तला छग: छग: निम्हेसि नं नये सिधयेका: खला व पुत मुकुं मुकुं पिज: नं धाल, “अंगूर भचा नं भपिया दिसँ । सिले न्हि, काकि ?”

“अले हानं नये । आ: च्या छक: नि त्वनेका न्हि ?” “ज्यू ।” धया पिज: दन । सुन्तला खला व पुत भ्वं छकुतिइ प्व:चिना: छथाय कुनय तल । ल्हा: सिला: गिलास निग: च्वल । धर्मसय च्वंगु च्या प्वंकल । मनमायायात बिया: थ:त: नं काल । निम्हं च्या त्वना च्वन ।

“तले सु दिइ ?” मिसा स: तायेदत । “थहाँ भ्वासँ ।” मनमायां धाल, “मयजुया स: थें च्वं ।”

“ख:, मनतता । जि ख: ।” धाधां मयजु थहाँ वल । मनमाया लासाय खना: मयजुया मनं खँ ल्हाकल । कोथाय दुहाँ व वं मयजुं धाल, “म्ह सुख मदु थें च्वं, मनमाया ।”

साखिया मिखा लाकमय धायेथें मयजुं पिज:यात छक: क्वथिइक स्वत । मुखू ब्यना: नर्कतिनि ह्व:गु स्वां थें वैसं ह्वाम्ह पिज: खना: स्वांया पारखि गथुरुपि मयजुं पिज:या थाय् बाय् न्यना तयेगु विचा: यात ।

“ख:, मयजु । भ्वासँ दिसँ ।” उसाय मदु पहलं मनमायां धाल । “छाय छु जुल ?” फ्यतुतुं मयजुं धाल । “तुति त्वधुल ।” “घा: ! गय् जुया ?” “दसा का ! मेगु छु मखु ।”

“त:न्हु हे दये धुंकल ?”

“लत्या ति दये धुंकल । हस्पितलं वयागु हे लछि दत ।”

“का स्व, उलिमछि दये धुंकल खनिसा ! जिं छुं हे स्यूगु मखु । आ: गय्च्वं, मनततायात ?”

“आ:ला जिया व:गु दु । थ्व व: कया: जुइ फत ।” खाताया लिक्कसं तयात:गु वाकर क्यना: मनमायां धाल ।

मनमायां पतिंचां सुया: क्यंगु बस्तुइ मयजुया मिखा वन । वालं चिइथें दयेका त:गु व: कया: गथे न्यासि वनिगु जुइ धयाथें मतिइ तया: लातां केरा स्वये थें व वस्तुइ स्वया च्वन । वाकरय स्वया च्वंम्ह मयजुया ध्यान पिज:पाखे वन । नच्चा हे तिनिम्ह खना: मनं मनं पिज:यात चूलाका विइगु नं वं हे भाला कायेगु विचा: यात । “अन सुथें ?” पिज:यात क्यना: मनमायायाके मयजुं न्यन ।

“त्वा:या म्प्याय मचा ।”

“नां छु थें ?” हेका:सिं पहलं नाइक पिज:याके न्यन ।

“पिज: ।” मयजुयात थ:गु नां कना: मनमाया पाखे स्वया: पिज: नं धाल, “अंगूर सिला हयेला, काकि ?”

“पलख आसे नि । नर्कतिनि सुन्तलासि नया । भचा लंका: नये का । वरु अन मयजुयात च्या छगू ब्यू ले ।”

पिज:नं च्या छगू मयजुया न्हय:ने तया बिल । च्या गिलास ल्त्व ल्त्वं मुसुक न्हिला: पिज:यात स्वया: मयजुं धाल, “थ्व ला ख्वाउँके जिइथें मच्चं । गुलि क्वा: क्वा: त्वन उलि हे साइथें च्वं ।”

“धयां क्वा:क्वा: नं भपिइ मज्यू । सोथाक्क पुइ य: ।” पिजल नं धाल ।

“अं, धाथें ख:निसा । छिं धयादीगु खँ पाय्छि हे जू ।” मयजुं धाल ।

“ख्वाउँल धायेवं हानं च्या त्वना थें हे च्वनि मखु । वरु बुलुं भपिया दिसँ । मनमायां धाल ।

मिखा पति पति यायां मयजुं च्या त्वन । च्या त्वं त्वं पुलुकक पालुकक पिज:पाखे मिखा नं ब्वयेका च्वन । पिज:यात खना: मयजु हानं मेथाय् छथाय् खँ ल्हा: वने दैगु कल्पनाय् व्वल । मनमायाया पाखें पिज:या मां बौपिं म्ह सिकेगु विचा: यात ।

“च्या ला धाथें हे सा: का ।” प्वंगु गिलास क्वय् तया: पिज:यात स्वया: मयजुं धाल ।

“छित: सुभाय् !” न्हिला ख्वालं पिज: नं धाल । कथहं

ट्री मिडिया अब

online news पनि

www.tmednews.com

“हाम्रो खबरदारी, विकासमा सामोदारी”

कुनै पनि घटना, उत्सव वा कार्यक्रमको बारेमा हामीलाई भन्नुहोस हामी दिनेछौं, तपाईंको आफ्नै खबर पल पलको

SUBSCRIBE गर्नुहोस



Tree Media Nepal



ट्री मिडिया प्रा. लि.

कीर्तिपुर-१०, काठमाडौं

सम्पर्क : ०१-८३३८८७८, ०१-८३३९८८२, ई मेल : treemedianp@gmail.com

नागरिका सरोकार केन्द्रया अन्तर्क्रिया



ज्वजलपा वा:पौ

२०७२ साल वैशाख १२ गते ब्:गु त:भाखय्या हुनि पीडित पिनिगु समस्या व राहत ज्याभ्:या बारे किपू नगरपालिका र राष्ट्रिय पुनर निर्माण प्राधिकरणया प्रतिनिधि नापं छ्गू अन्तर्क्रिया ज्याभ्: जुल ।

नागरिक सरोकार केन्द्रया स्वसालय् शनिवा: मंगल माविया हलय् जूगु उगु अन्तर्क्रिया ज्याभ्:वलय् केन्द्रया संयोजक प्रा.डा. शिव सरण महर्जनया नाय:सुइ जूगु उगु ज्याभ्:वलय् राष्ट्रिय पुनर निर्माण प्राधिकरणया उपसचिव प्रेम प्रसाद घिमिरे, किपू नगर पालिकाया मेयर रमेश महर्जन, वडा नं. ९ या वडा अध्यक्ष गंगाराम महर्जन, वडा नं. १० या अध्यक्ष अमन महर्जनपिं पाहां कथं भायादीगु ख: ।



नगाउँ सहकारीया न्हय्क्व:गु दँमुँज्या क्वचाल

ज्वजलपा वा:पौ

किपू नगरपालिका वडा नं. ९ नगामय् च्वंगु नगाउँ वचत तथा ऋण सहकारी संस्था लि. या न्हय्क्व:गु दँमुँज्या नगांया सामुदायीक भवनय् शनिवा: क्वचा:गु दु ।

संस्थाया नाय: महेन्द्र महर्जनया नाय:सुइ जूगु उगु मुँज्याया मूपाहां किपू नगरपालिकाया मेयर रमेश महर्जनं त्वा:देवाय् मत च्यका उलेज्या यानादीगु ख: । उगु ज्याभ्:वलय् पाहां कथं डिभिजन सहकारीया नरबहादुर थापा नं भायादीगु ख: । संस्थाया त्वकू कविन्द्र महर्जनं लसकुस न्वचू वियादीगु ख: ।

नेपालभाषा साहित्य नख: त:जिक जुल



ज्वजलपा वा:पौ

नेपालभाषा टाइम्स स्वसालय् शनिवा: त:जिक यल लायकुया केशवनारायण चुक्य् नेपालभाषा साहित्य नख: ज्याभ्: जुगु दु । ज्याभ्:या कजि रमेशकाजि स्थापितया नाय:सुइ जूगु उगु ज्याभ्:वलय् मूपाहां वाडमय शताब्दी पुरुष सत्यमोहन जोशी जुयादीगु ख:सा नेपालभाषा एकेडेमिया चान्सलर चित्तरञ्जन नेपाली, नेवा: न्हयलुवा: नापं उपन्यासकार मल्ल के सुन्दर नापं मेह च्चमि वसन्त चौधरी लगायतया व्यक्तित्वपिं पाहां जुयादीगु ख: । शनिवा: सुथय् थुगु ज्याभ्:या उलेज्या वाडमय शताब्दीपुरुष सत्यमोहन जोशी छ्गू ज्याभ्:या दथुइ यानादीगु ख: । ज्याभ्:वलय् नेवा: न्हयलुवा मल्ल के सुन्दर च्चयादीगु सफू द पोष्ट व वसन्त चौधरीया नेपालभाषा आनिदत कविता मुना वसन्त सफूया उलेज्या जुगु ख: । उलेज्या लिपा सफूया च्चमिपिं पाखें हस्ताक्षर ज्याभ्: जुगु ख: । सनिलय् तक दुने जुइगु उगु ज्याभ्:वलय् थीथी साहित्य ज्याभ्:या लिसे सनिलय्सांगीतिक ज्याभ्: यायेत्यंगु दु । लिसें नसाज्वलया स्टल, सफू ब्वज्या ज्याभ्: तयात:गु दु । ज्याभ्:वलय् नेपालभाषाया भविष्य नापं खय् भाय्या च्चमि नेवा:तयगु व्यागलं कथंया सहलह मुँज्या तक या:गु ख: । ज्याभ्:गलय् नेपालभाषा साहित्य ख्य:या थीथी व्यक्तित्वपिं सहभागी जुयादीगु ख: ।



बाघभैरव सहकारीया भिंच्याक्व:गु दँमुँज्या

ज्वजलपा वा:पौ

बाघभैरव वचत तथा ऋण सहकारी संस्थाया भिंच्याक्व:गु दँमुँज्या शनिवा: क्वचाल । नगांया बाघभैरव बैक्वयटया हलय् जूगु उगु ज्याभ्: संस्थाया नाय: नविन नक:मिया नाय:सुइ जूगु उगु ज्याभ्:वलय् संस्थाया छ्याञ्जे सुरेश कुमार श्रेष्ठ लसकुस न्वचू वियादीगु ख: ।

Darshan Trade & Suppliers Pvt. Ltd.



शिल्ड, ट्रफी, मेडल, मायाको चिनो, अवार्ड आदि उचित मूयमा उपलब्ध छ्।

दर्शन ट्रेड एण्ड सप्लायर्स प्रा. लि.

कीर्तिपुर-१०, काठमाडौं

सम्पर्क : ०१-४३३४४७४, ०१-४३३९८८२

ई मेल : darshantradenp@gmail.com

पुलां मनूचा



—नाति महर्जन
ध:चपा, पांगा

न्हयन्दाँ दुम्ह जि छम्ह बुराचा
बुराचा धासां आ:तकला सुडाचा
ग्वाय् दाहिं ला हाकुसे च्वनि
अयसां हे धाई जित पुलां मनूचा

जिमि पाले आ:थें सुयाकें धेवा मदु
बांला:गु यचुगु लें धका: पुनेमदु
भ्वाथ लें फिना धेर ग्वरचा न नं बुरा जुम्ह
ख: जि छम्ह पुलां मनूचा

आ:थें मनूत जागीरे, ज्याय वनेथाय् मदु
बुँज्या मयाय्कं नय्गु गनं वडगु मदु
दंछि दंछि चापाय् नाप जक ल्वाना जुयाम्ह
ख: जि छम्ह पुलां मनूचा

न्त्याक्व दु:ख स्युसां भकारि जाइगु मखु
खुला नयेत गाक्क गबलें मुंके फुगुमखु
बुँ वडगु बंछि मल्याक त:सिं पुलां च्वनाम्ह
जि हे ला ख:नि व पुलां मनूचा

गामय् स्कूल छगु हे दुगु मखु
यें बना सुं च्वंवेने स:पिं मखु

वहे सुथीनसें लिमला फमला बुँई जक जुया
बुरा जुम्ह ला ख: नि जि पुलां मनूचा

छक:निक: न्हापाया दु:ख लुमना मन ख्वाईगु
मनं मनं घोयात नं श्राप विईगु
जित जक दु:ख वियातम्ह वेइमान चो धाय्म्ह
जि हे ला ख:नि व पुलां मनूचा

तँ म्वलकि घो यात नं य:थे धाय्गु
त्यानुल कि ताँ न्वलकि घोयागु हे नां काय्गु
जित नं करुणा या: हे भगवान धका:फोनेम्ह
जि हे ला ख:नि व पुलां मनूचा

सुथय् वहनि धेर ग्वरचा नयेगु
नख:चख: वलकि तिनि जानये दइगु
न्हिनय् ख्वाख: नाप छुया क:नि नया बुरा जुम्ह
जि हे ला ख:नि व पुलां मनूचा

भ्वय् वकंपतिं लें न्यया पुना वनेगु
च्वाकिम्ह केँहेँन लँकू जक थछो वडगु
भ्वय् नया च्वनेथाय् हे हरिदाइया लें हाकुइ धका:
चुल्यां जक ख्वाना घ्वातुघ्वाका जुयाम्ह
जि हे ला ख:नि व पुलां मनूचा

नख: चख:वले ला पंल न्याना नयेमफु
भ्वय् वने दतकि स्वर्गेथ्योथें जुइगु
मोहनि स्वानि वय्के मानि ला छकू खें छग: नय्त
छें खा ग्वा:ग्वा: दयानं खें छग: नये मखंम्ह
जि हे ख: व अभाग्य पुलां मनूचा

नखतिया ला का: वनेवल्य बा नाप वनेगु
तोता वनी धका: ख्खं ल्यू ल्यू जुईगु

नाययाथाय् ला दूँ खँसेनिसें मन लयताईगु
ला लने गा का वा छें वयत त्यलकि
सेँला छकु नाय:याके फोना हय्म्ह
वहे फोगिंचा ला ख:नि जि पुलां मनूचा

न्हापाया दु:ख लुमनकि आ:नं मिखा प्याना व:नी
उबलेया पिनी जक खँ कँसा वाखंथें दनि
वहे छगू निगू पुलांगु वाखं मचातेत ककँ
बुरा जुम्ह ला ख: नि जि पुलां मनूचा

न्हापाया खँ ल्हाना ब्यागु हे मखुत
इलं मू पुला: वंगु चा:गु हे मखुत
आ: कायपिनी कमाई दया य:थे नय् दुबले
नयगु वा छपु हे दुगु मखुत
छु याय् मर्चानसें भाग्य ठगे याना त:म्ह
जि ख: थ्व गामे च्वंम्ह पुलां मनूचा

थौकन्हेयापिं मचातय् ला स्वर्गे च्वनेथें
खलि जायक धेवा घाना याय् दु यथें
इमिसं नया मफुगु वान्छोगु बतिनं
जिमि पाले नखतिया हे नये मनंम्ह
जि अभागी पुलां मनूचा

न्हापा नये फुवले नय मखँ
आ: नयगु वा मदय्का मिखां खनां म्हुतुं मखं
छु याये कर्म हे थगे याना त:म्ह जि
न्हापा मखं लिपा मखंम्ह पुलां मनूचा

नेवा: पत्रकार राष्ट्रिय दबूया तच्च:गु ध्यानाकर्षण, संघर्ष यायेगु ख्याच्च:



ज्वजलपा वा:पौ

सरकारं सन्त नेता कृष्णप्रसाद भट्टराई राष्ट्रिय आमसंचार प्रतिष्ठान पलिस्था यायेत्यंगु बुखं नेपाल आदिवासी जनजाति पत्रकार महासंघया छगू घटक व देय् न्यंकंया नेवा: पत्रकारपिनिगु राष्ट्रिय संगठन नेवा: पत्रकार राष्ट्रिय दबूया तच्च:गु ध्यानाकर्षण जूगु दु ।

दबूपाखें मूनाय: श्रीकृष्ण महर्जन व मूळ्याञ्जे सुनिल महर्जनया ल्हा:चिं तया: छगू प्रेस वक्तव्य पिथंसें थुगु खँया जानकारी ब्यूगु ख: ।

वक्तव्यय् धयात:गु दु, 'पत्रकारपिनिगु सीप व दक्षता अभिवृद्धि व अद्यावधिक यायेत राष्ट्रिय आमसंचार प्रशिक्षण प्रतिष्ठान पलिस्था यायेत्यंगुलिइ देय् न्यंकंया नेवा: पत्रकारपिनिगु राष्ट्रिय संगठन नेवा: पत्रकार राष्ट्रिय दबूपाखें सहर्ष लसकुस यानाच्वना । प्रतिष्ठानया पलिस्थां आमसंचार सम्बन्धि अध्ययन, अनुसन्धान व प्रशिक्षणपाखें पत्रकारिताया उच्चतम व्यावसायिक अभ्यास, पत्रकारिता पेशायात व्यावसायिक व मर्यादित यायेत ग्वाहालि याइगुलिं सुयानं निगूमत जुइफइ मखु ।'

भाद्र २९ गते पिथंगु उगु वक्तव्यय् २००८ सालय् पलिस्था जूगु नेपाल पत्रकार महासंघयात २०१२ सालय् हाकनं नीस्वनेधुंका: नाय: जुयादीम्ह कृष्णप्रसाद भट्टराईयात संस्थापक नाय: नाला: भट्टराईया नामं प्रतिष्ठान नीस्वनेत्यंगु बुखंयात कया: नेवा: पत्रकार राष्ट्रिय दबूया तच्चकं असहमति दूगु खँ प्वंकात:गु दु ।

वक्तव्यय् अथे असहमति प्वंकागु मुलुकया लोकतान्त्रिक आन्दोलनया अथक योद्धा, राजनीतिइ आदर्श व निष्ठाया पर्यायया रुपं च्वनादीम्ह सम्माननीय नेता मद्दुम्ह भट्टराईया अपमान यायेत्यनागु धा:सा पक्का नं मखूगु खँ न्यथंसें मद्दुम्ह भट्टराई आधुनिक नेपा:या लोकतान्त्रिक चेतना, त्याग व जागरणय् सम्मानित व अनुकरणीय राजनेता जुयादीगु खँ नं न्यथनात:गु दु ।

इतिहासया तथ्य चा:हीका: जक सन्त नेता कृष्णप्रसाद भट्टराईया वास्तविक रुपय् सम्मान मजुइगु पत्रकार दबूया मूलभूत मान्यता जुइगु खँ न्यथंसें वक्तव्यय् आमसंचार प्रतिष्ठान सम्मानित नेता भट्टरिया नमय् नीस्वनेगु सरकारी तयारीप्रति तच्चकं आपत्ति प्वंकासें महासंघया न्हापांम्ह संस्थापक नाय: सत्यनारायण बहादुर श्रेष्ठया नामं राष्ट्रिय आमसंचार प्रतिष्ठान नीस्वनेत नेपाल सरकारयाके माग या:गु दु । लिसें उगु वक्तव्यय् सत्यनारायण बहादुर श्रेष्ठ पत्रकार महासंघया संस्थापक नाय: जूगु

इतिहासया बंग्याइयात तत्काल भिंकेत नेपाल सरकार व नेपाल पत्रकार महासंघयाके पत्रकार दबुलिं माग यानात:गु दु । नेपाल पत्रकार महासंघया संस्थापकया विवादित विषय व्रमचारेयकं सन्त नेता भट्टराइया नामं राष्ट्रिय आमसंचार प्रतिष्ठान नीस्वने धा:सा नेवा: पत्रकार राष्ट्रिय दबू उकिया विरुद्ध संघर्षय् क्वहां वयेगु ख्याच्च: उगु वक्तव्यय् वियात:गु दुसा उज्व:गु अवस्था मवयेमा धैगु पाखे फुक्कासगु ध्यानाकर्षण या:गु दु ।

बिचा: हायेका

जन्म:
वि.सं. २००६
साल मंसिर



मदुगु :
वि.सं. २०७४/
५/२७



मद्दुम्ह बुद्धिवहादुर महर्जन

ज्यापु महागुथि किपू नगरसमितिया आजीवन सदस्य बुद्धिमान महर्जन व पत्रकार बसन्त महर्जनया अबु बुद्धिवहादुर महर्जन वंगु भदौ २७ गते मंगलवार आकाभाकां मदुगुलिं मदुम्हेसिया सुखावति भुवनय् वास लाय्मा धका: कामनायासें दु:खंक:पिं सकल छँज:पिन्सं मन चिइफय्मा धका: बिचा: हाय्का च्वना ।

ज्यापु महागुथि किपू नगरसमिति
किपू

आवर मोटर्सको



गुडेपनि नगुडेपनि...

२५,००० पाइन्छ नि....

BEFORE EXCHANGE



AFTER EXCHANGE



ग्राहकहरूको अत्याधिक मागलाई ध्यानमा राखी
यो योजना असोज १० सम्म थप गरीएको छ ।

Hour Motors Pvt. Ltd.

Balaju Chowk, KTM Phone No: 014360401

Mobile : 9851210478

Kirtipur-10 Phone No : 014333605

Mobile: 9851139402